



MFA-BA-MIN

Broj: 01/05-23644/2012

Datum: 09.07.2012.godine

01/a-50-1

10-07-2012

PRIMLJENO:	10-07-2012		
Organizacijska jedinica	Klasifikacijska oznaka	Broj	Broj priloga

01-50-1-15-29/12

PARLAMENTARNA SKUPŠTINA BOSNE I HERCEGOVINE
ZASTUPNIČKI DOM/PREDSTAVNIČKI DOM

PREDMET : Poslaničko pitanje, odgovor, dostavlja se

VEZA: Vaš akt broj 01/a-50-1-15-29/12 od 11.06.2012. godine

Asim Sarajlić, zastupnik u Predstavničkom domu Parlamentarne Skupštine Bosne i Hercegovine, na 29. sjednici održanoj 07. juna 2012.godine, postavio je zamjeniku Predsjedavajućeg Vijeća ministara sljedeće poslaničko pitanje/molbu:

„U ime Kluba poslanika SDA postavljam pitanje zamjeniku Predsjedavajućeg Vijeća ministara BiH, gospodinu Zlatku Lagumdžiji, te ga na ovaj način molim da preispita svoju odluku da upražnjeno mjesto ministra sigurnosti BiH povjeri gospodinu Fahrudinu Radončiću.

Smatramo da bi za Bosnu i Hercegovinu i sve njene građane bilo mnogo korisnije da gospodin Fahrudin Radončić obnaša upražnjenu funkciju zamjenika ministra finansija BiH“

Na postavljeno pitanje/molbu, Zamjenik Predsjedavajućeg Vijeća ministara Bosne i Hercegovine dostavlja sljedeći

ODGOVOR

Dr. Lagumdžija kao zamjenik Predsjedavajućeg Vijeća ministara Bosne i Hercegovine nije donio niti može donijeti Odluku prema kojoj bi upražnjeno ministarsko mjesto povjerio gospodinu Radončiću. Prema Zakonu o Vijeću ministara Bosne i Hercegovine: „Predsjedavajući Vijeća ministara BiH imenuje ministre i zamjenike ministara odmah nakon stupanja na dužnost i odmah traži od Predstavničkog doma potvrdu imenovanja“.

Stav dr. Lagumdžije kao predsjednika SDP-a je općepoznat i ostaje nepromijenjen po pitanju formiranja novog saziva Vijeća ministara Bosne i Hercegovine.



01/e-50 11-10-2012

BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1825-2/12
Sarajevo, 11. 10. 2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 11.10.2012			
Organizacioni jedinica	Klasifikaciona oznaka	Redni broj	Broj arhiva
01-50-1-15-28/12			
01-50-19-702/12			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničku inicijativu, dostavlja se

Vijeće ministara Bosne i Hercegovine je na 22. sjednici održanoj 10. 10. 2012. godine utvrdilo Odgovor na zastupničku inicijativu koju je uputio Asim Sarajlić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegova dostavljanja zastupniku.

S poštovanjem,



GENERALNI TAJNIK

Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-1825-2/12

Sarajevo, 10.10.2012. godine

Asim Sarajlić, poslanik u Predstavničkom domu Parlamentarne skupštine Bosne i Hercegovine, na 29. sjednici Predstavničkog doma održanoj 07.06.2012. godine, podnio je sljedeću poslaničku inicijativu:

- „1. Predsjedavajući Vijeća ministara BiH da pokrene inicijativu o izmjeni Zakona o ministarstvima i drugim organima uprave BiH, kako bi se u sastavu Vijeća ministara BiH uspostavilo još jedno ministarstvo i to Ministarstvo poljoprivrede BiH.**
- 2. Predlažemo da se za budućeg ministra poljoprivrede BiH, uz pribavljenu saglasnost svih lidera vladajuće koalicije, imenuje neko iz porodice Ivanković-Lijanović ili pak osoba iz njihove bogate kadrovske stranačke strukture.“**

Na poslaničku inicijativu, Vijeće ministara Bosne i Hercegovine je na 22. sjednici održanoj 10. 10. 2012. godine, utvrdilo sljedeći

ODGOVOR

Članom III 1. Ustava Bosne i Hercegovine propisano je da su u nadležnosti institucija Bosne i Hercegovine sljedeća pitanja: vanjska politika, vanjskotrgovinska politika, carinska politika, monetarna politika, kao što je predviđeno članom VII Ustava Bosne i Hercegovine, finansiranje institucija i međunarodnih obaveza Bosne i Hercegovine, politika i regulisanje pitanja imigracije, izbjeglica i azila, provođenje međunarodnih i međuentitetskih krivičnihopravnih propisa, uključujući i odnose sa Interpolom, uspostavljanje i funkcionisanje zajedničkih i međunarodnih komunikacijskih sredstava, regulisanje međuentitetskog transporta i kontrola vazdušnog saobraćaja.

Sve ostale funkcije i ovlaštenja koja nisu Ustavom Bosne i Hercegovine izričito povjerena institucijama Bosne i Hercegovine, pripadaju entitetima, pa tako i oblast poljoprivrede. Nadalje, članom III 5. a) Ustava Bosne i Hercegovine, je između ostalog propisano da će Bosna i Hercegovina preuzeti nadležnosti u onim stvarima u kojima se o tome postigne saglasnost entiteta. Istim članom propisano je da dodatne institucije mogu biti uspostavljene prema potrebi za vršenje poslova iz preuzetih nadležnosti.

Iz navedenog proizilazi da se izmjena Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09 i 103/09), sa ciljem osnivanja novog ministarstva, i to Ministarstva poljoprivrede Bosne i Hercegovine, može izvršiti kada se o tome postigne saglasnost entiteta.

Ukoliko se osnuje Ministarstvo poljoprivrede Bosne i Hercegovine, shodno odredbi člana V 4. Ustava Bosne i Hercegovine, kao i člana 10. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), predsjedavajući Vijeća ministara Bosne i Hercegovine imenuje ministra i zamjenika ministra, a njihovo imenovanje potvrđuje Predstavnički dom Parlamentarne skupštine Bosne i Hercegovine.

Shodno navedenom, potrebno je obezbijediti uslove za osnivanje Ministarstva poljoprivrede Bosne i Hercegovine i za imenovanje ministra i zamjenika ministra tog ministarstva.

Odgovor je koncipiran kao jedino zakonski moguć, iako se iz postavljenog pitanja jasno prepoznaje stvarnost, a koju je autor postavljenog pitanja ironizirao.